

# **Wustawki Zarjadniskeho zwjazka "Při Klósterskej wodže"**

Na zakładze § 5 wotst. 2 a § 11 Sakskeho zakonja wo komunalnym wjazomnym dźěle (SächsKomZG) z dnja 19. awgusta 1993 (SächsGVBl. str. 815, 1103), naposlědk změnjeny z artiklom 7 zakonja z dnja 25. junija 1999 (SächsGVBl. str. 398), dojednaja so gmejny Chrósćicy, Njebjelčicy, Pančicy-Kukow, Worklecy a Ralbicy-Róžant na zjednoćenje do zarjadniskeho zwjazka a scěhowace noworjadowanje zwjazkowych wustawkow.

## **§ 1 Mjeno, sydło a prawniska natura zarjadniskeho zwjazka**

(1) Zarjadniski zwjazk ma mjeno "Při Klósterskej wodže", němsce "Am Klosterwasser". Wobě mjenje so runoprawnje naložujetej.

(2) Sydło zarjadniskeho zwjazka je Pančicy-Kukow.

(3) Zarjadniski zwjazk je prawokmana korporacija zjawneho prawa. Rjaduje swoje naležnosće we wobłuku zakonjow w swójskej zamołwitosći.

## **§ 2 Sobustawske gmejny a zaměr zwjazka**

(1) Zarjadniskemu zwjazkej přislušeja gmejny Chrósćicy, Njebjelčicy, Pančicy-Kukow, Worklecy a Ralbicy-Róžant.

(2) Zarjadniski zwjazk služi zesylnjenju zarjadniskeje mocy a zachowanju prawniskeje samostatnosće wobdźělenych gmejnow.

## **§ 3 Winowatosće sobustawskich gmejnow**

(1) Sobustawske gmejny maja winowatosć, so sčasom wzajomnje informować a zarjadniski zwjazk při spjelnjenju jeho nadawkow podpěrać.

(2) Naležnosće, kotrež wjacore gmejny nastupaja, maja so wzajomnje mjez potrjechenymi gmejnami a zarjadniskim zwjazom wothłosować.

## **§ 4 Winowatosće zarjadniskeho zwjazka**

(1) Zarjadniski zwjazk poradźuje a podpěra sobustawske gmejny při spjelnjenju jich nadawkow.

(2) Sobustawske gmejny maja so wo wšěch jich nastupacych wěcach informować. Předewšěm maja prawo dohlada do aktow.

## **§ 5 Přechod nadawkow na zarjadniski zwjazk**

(1) Na zarjadniski zwjazk přeńdu wotp. § 7 wotst. 1 Sakskeho zakonja wo komunalnym wzajomnym dźěle (SächsKomZG) scěhowace nadawki sobustawskich gmejnow:

- rozkazniske nadawki incl. postajenja trěbnych a prawniskeho předpisow,
- nadawki přihotow zakładneho twarskeho planowanja.

(2) Zarjadniski zwjazk přewozmjje nadawki zakonja wo změrcowstwje w gmejnach. Nadawki přenjesu so na zakładze zjawnoprawniskeho zřěčenja.

(3) Nimo toho móža sobustawske gmejny zarjadniskemu zwjazkej wotpowědnje § 7 wotst. 2 SächsKomZG dalše nadawki inklusiwnje schwalenja wustawkow a prawnskich předpisow přez zjawnoprawniske zrěčenje přenjesć.

## § 6 Spjelnjenje nadawkow zarjadniskeho zwjazka

(1) Zarjadniski zwjazk spjelnja wotp. § 8 wotst. 1 a 3 SächsKomZG scěhowace nadawki sobustawskich gmejnow po jich poručanju:

- přihoty a spjelnjenje wobzamknjenjow sobustawskich gmejnow,
- wobstaranje naležnosćow, kotrež za sobustawske gmejny zakładneho wuznama nimaja abo žane wysoke zawjazki wočakować njejsu ( nadawki běžneho zarjadnistwa),
- zastupowanje sobustawskich gmejnow w sudniskich jednanjach abo ryzy zarjadniskich jednanjach, dalokož zarjadniski zwjazk sam wobdžěleny njeje.

(2) Nimo toho móža sobustawske gmejny zarjadniskemu zwjazkej wotp. § 8 wotst. 3 SächsKomZG ze zjawnoprawnskimi zrěčenjom dalše nadawki přepodać. Zjawnoprawniske zrěčenje nabudže hakle ze změnu wustawkow zarjadniskeho zwjazka plaćiwosće.

## § 7 Organy zarjadniskeho zwjazka

Organy zarjadniskeho zwjazka su zwjazkowa zhromadźizna a předsyda zwjazka.

## § 8 Zestawa zwjazkoweje zhromadźizny

(1) Zwjazkowa zhromadźizna so zestaja z předsydy zarjadniskeho zwjazka, wjesnjanostow sobustawskich gmejnow a z dalšich zastupjerjow, kotřiž so wot sobustawskich gmejnow do zwjazkoweje zhromadźizny pósćelu. Deleguja:

- gmejna Chrósćicy, 2 dalšēju zastupjerjow,
- gmejna Njebjelčicy, 2 dalšēju zastupjerjow,
- gmejna Pančicy-Kukow, 3 dalšich zastupjerjow,
- gmejna Worklecy, 2 dalšēju zastupjerjow,
- gmejna Ralbicy-Róžant, 2 dalšēju zastupjerjow.

(2) Zastupjerjo sobustawskeje gmejny móža w zwjazkowej zhromadźiznje jenož jednotnje hłosować. Sobustawske gmejny móža swojim zastupjerjam dawać přikazy.

(3) Zastupjerjo sobustawskich gmejnow skutkuja čestnohamsce. Za jich prawniske poměry plaća za gmejnskich radźičelow plaćace předpisy (§ 35 SächsGemO) wotpowědnje.

(4) Je-li čestnohamtski wjesnjanosta sobustawskeje gmejny zdomom přistajeny zarjadniskeho zwjazka, zastupuje gmejnu w zwjazkowej zhromadźiznje zastupowacy wjesnjanosta.

## § 9 Přislušnosće zwjazkoweje zhromadźizny

(1) Zwjazkowa zhromadźizna je hłowny organ zarjadniskeho zwjazka. Wona wukonja nadawki zarjadniskeho zwjazka, postaja předewšěm wustawki a prawniske předpisy, dalokož za to njeje předsyda zarjadniskeho zwjazka wotp. §§ 12, 13 předležacych wustawkow přislušny.

(2) Zwjazkowa zhromadźizna je předewšěm přislušna za:

- postajenje jednanskeho porjada,
- wólby předsydy a dweju jeho zastupjerjow,

- změny zwjazkowych wustawkow a schwalenje wustawkow a prawniskich postajenjow za přewzate abo jej přenesene dźělowe wobłuki,
- nadawki přihotow zakładneho twarskeho planowanja,
- zwěšćenja hospodarskeho plana a postajenje hospodarskich wustawkow, postajenje dawkow, cyłkownje w hospodarskim léće planowanych wonkowych kreditow a hornjeje mjezy wonkowych pokładniskich kreditow,
- postajenje tarifoweho porjada za wužiwanje rumnosćow a poslužbow zarjadniskeho zwjazka,
- zwěšćenje rezultata lětneho zličbowanja a wobzamknjenje wo wuswobodženju,
- rozsud wo twarje, zarjadowanju, bytostnym rozšěrjenju a spušćenju zarjadow (twarow) zarjadniskeho zwjazka a zwjazkoweho wobhospodarjenja we wobłuku schwalenych hospodarskich wustawkow,
- wobhospodarjenje srědkow zamóženskeho etata, dalokož suma w jednotliwym padže wjace hač 5.000 EUR wučini,
- wobzamknjenje wo naležnosćach zasadneho wuznama a wo napravach, kotrež so bytostnje na etat zarjadniskeho zwjazka wuskutkują,
- rozsud wo pomjenowanju, přistajenju, pušćenju, powyšćenju a wyšestopnjowanju přistajenych zarjadniskeho zwjazka,
- wobzamknjenje wo znowapřiwzaću dalšich sobustawow, wo wustupje sobustawow kaž tež wo rozpušćenju zarjadniskeho zwjazka.

## § 10 Jednanje zwjazkoweje zhromadźizny

(1) Za jednanje zwjazkoweje zhromadźizny płaća zasadnje postajenja gmejnskeho porjada Swobodneho stata Sakska (SächsGemO) wotpowědnje, jelizo njewopřijeja scěhowace wotstawki wotchilace postajenja.

(2) Zwjazkowa zhromadźizna schwali jednanski porjad, w kotrymž so jednanje rjadyje.

(3) Zwjazkowu zhromadźiznu zwoła pisomnje předsyda (§19 SächsKomZG).

(4) Přećiwo wobzamknjenjam zwjazkoweje zhromadźizny, kotrež su za sobustawsku gmejny wosebje wažne abo maja wulki hospodarski wuznam, móže tuta w běhu 3 tydženjow po wobzamknjenju zapodać přećiwwjenje. Přećiwwjenje wuskutkuje wotstorčenje. Na přećiwwjenje ma zwjazkowa zhromadźizna znova wobzamknyc. Přećiwwjenje je wotpokazane, hdyž ma nowe wobzamknjenje znajmjeńša dvě třeciny přitomnych hłosakmanych.

## § 11 Prawniska pozicija a zastupnistwo předsydy zarjadniskeho zwjazka

Zwjazkowa zhromadźizna ze swojeje srjedźizny wuzwoli čestnohamtskeho zastupjerja předsydy. Wólby wotměwaja so přeco po prawidlownych wólbach gmejnskeje rady.

## § 12 Nadawki a prawa předsydy zarjadniskeho zwjazka

(1) Zwjazkowy předsyda je předsyda zwjazkoweje zhromadźizny. Wón přihotuje posedženja zwjazkoweje zhromadźizny a zwoprawdza jeje wobzamknjenja.

(2) W nuznych naležnosćach rozsudži předsyda město zwjazkoweje zhromadźizny. Přičiny tajkeho chwadneho rozsuda a wobsah rozsuda maja so zwjazkoweje zhromadźiznje hnydom zdźělic.

(3) Předsyda dyrbi so wobzamknjenjam zwjazkoweje zhromadźizny přećiwwjeć, hdyž měni, zo so rani prawo; wón móže so přećiwwjeć, hdyž měni, zo su za zarjadniski zwjazk škódne.

(4) Předsyda ma zwjazkowu zhromadźiznu wo wšěch wažnych, zarjadniski zwjazk nastupacych naležnosćach informować. Při wažnych planowanjach a předewzaćach ma so zwjazkowa

zhromadźizna po možnosti sčasom wo wotpohladach a předstawach zarjadnistwa informować, a potom běžnje wo stawje a wobsahu planowanskich džěłow.

## **§ 13 Nadawki a prawa předsydy jako nawody zwjazkowego zarjada**

(1) Předsyda je nawoda zarjada a zastupuje zarjadniski zwjazk.

(2) Předsyda je předstajeny, službnopředstajeny a najwyši službny zarjad přistajenych.

(3) Předsyda spjelnja w swojej zamołwitosći džěła běžneho zarjadnistwa a jemu hewak přez prawniske předpisy a zwjazkowu zhromadźiznu přenjesene nadawki. Dale ma předsyda stajnje scěhowace nadawki spjelnić:

- wobhospodarjenje srědkow po zarjadniskim etaće,
- wobhospodarjenje srědkow po zamóženskim etaće hač do wysokosće 5.000 EUR w jednotliwym padže,
- přihłosowanje k nadplanowym abo njeplanowanym wudawkam za wužiwanje kryjacych rezerwow hač do 2.500 EUR w jednotliwym padže,
- wšě personalnoprawniske rozsudy, potrjehjace na čas přistajenych w zarjadniskim zwjazku,
- předaće pohibliwego zamóženja hač do 2.000 EUR w jednotliwym padže.

(4) Při kazowanske nadawki spjelnja předsyda w swojej zamołwitosći, dalokož zakonisce ničo druge rjadowane njeje. Postajenje prawnskich předpisow a wustawkow je nadawk zwjazkoweje zhromadźizny.

## **§ 14 Kryće finančneje potrjebje zarjadniskeho zwjazka**

(1) Zarjadniski zwjazk móže, dalokož jemu druge dochody za kryće swojeje finančneje potrjebje njedosahaja, wot sobustawskich gmejnow žadać přidawk. Přidawk ma so wobličić po ličbje wobydlerjow sobustawskich gmejnow. Wysokosć přidawka ma so za kóžde lěto w hospodarskich wustawkach postajić, a to džělene po zarjadniskim a zamóženskim etaće.

(2) Dalokož po zakonju abo po přenjesenju nadawki přeńdu do zarjadniskeho zwjazka (§ 5 wotst. 1, § 6 wotst. 1 tutych zwjazkowych wustawkow), přeńdže prawo na zběranje poplatkow za wužiwanje zarjadnišćow tež do zarjadniskeho zwjazka.

(3) Prawo na zběranje swójskich dawkow zarjadniski zwjazk nima.

## **§ 15 Forma wozjewjenjow**

Wozjewjenja zarjadniskeho zwjazka stanu so, dalokož druhich zakoniskich postajenjow njeje, w Kamjenskich wozjewjenjach - wudaće sewjer.

## **§ 16 Změna zwjazkowych wustawkow**

Změnić zwjazkowe wustawki móže jenož zwjazkowa zhromadźizna z wjetšinu znajmjeńša 2/3 hłosow wšěch zastupjerjow zwjazkoweje zhromadźizny.

## **§ 17 Rozpušćenje a rozwjazanje zarjadniskeho zwjazka**

(1) Zarjadniski zwjazk móže so z přičinow zjawneho derjeměća a z dowolnosću najwyšeje prawnikodohladowarskeho zarjada rozpušćić. Wobzamknjenje wo rozpušćenju zarjadniskeho zwjazka trjeba znajmjeńša  $\frac{3}{4}$  hłosow wšěch zastupjerjow zwjazkoweje zhromadźizny.

(2) Wotst. 1 plaći za wustup jednotliweje sobustawskeje gmejny wotpowědnje.

(3) Zarjadniski zwjazk po swojim rozpušćenju dale eksistuje, dalokož to rozwjazanje žada. Rozwjazanje je nadawk předsydy, jeli zwjazkowa zhromadźizna druheho njewobzamknje. Zwjazkowe zamóženje ma so po § 12 wotst. 1 tutech wustawkow postajenym kluču rozdźělenja w času rozpušćenja sobustawskim gmejnam přepodać.

## **§ 18 Přewzaće přistajenych**

(1) Přistajeni sobustawskich gmejnow so wotpowědnje přenjesenju nadawkow nałožuju §§ 128 a 129 wotst. 2 do 4 BRRG přewozmu.

(2) Při přewzaću so džělowe zrěčenje ze zarjadniskim zwjazkom dale wjedže. Casy přistajenja maja so tak hódnoćić, kaž zo bychu byli w zarjadniskim zwjazku.

## **§ 19 Kónčne postajenja**

(1) Zarjadniske wustawki ma prawniskodohladowanski zarjad schwalić. Schwalenje a zwjazkowe wustawki prawniskodohladowanski zarjad zjawnje wozjewi.

(2) Nowowudaće zwjazkowych wustawkow nabudže plaćiwosć džeń po jich wozjewjenju, dalokož w § 19 wotst. 3 njeje hinak postajene. Zdobom zhubja wustawki Zarjadniskeho zwjazka "Při Klóšterskej wodže" z dnja 23.01.1996 plaćiwosć, dalokož to w § 19 wotst. 3 njeje hinak postajene.

(3) § 6 zwjazkowych wustawkow nabudže plaćiwosće dnja 01. 08 2001. Tak doho plaći § 3 zwjazkowych wustawkow z dnja 23. 01. 1996.

w Pančicach-Kukowje, dnja 10.05.2001

za gmejnu:

Chrósćicy, wjesnjanosta knjez Šořta  
Pančicy-Kukow, wjesnjanosta knjez Pjetaš  
Worklecy, wjesnjanosta knjez Bruski  
Njebjelčicy, wjesnjanosta knjez Čornak  
Ralbicy-Róžant, wjesnjanosta knjez Ryćer